



14. februar 2022

UPA 2022/120

Inatsisartut ingerlatsinermut maleruagassaasa § 33 tunngavigalugu Inatsisartunut ukuningga aaliangiiffigisassatut siunnersuuteqarpunga:

**Inatsisartut aalajangiiffigisassaattut siunnersuut, Inatsisartut Siulittaasoqarfiat peqquneqassasoq siunnersuummik saqqummiussissasoq, Naalakkersuinikkut partiit ingerlatsisut naatsorsuutaasa tamanut saqqummiunneqartarnerat pillugit Inatsisartut Inatsisaat allangortinneqarnissaannik<sup>1</sup> taamaasilluni partiimut 10.000kr. sinnerlugu aningaasaliissuteqarsimanermi partiip naatsorsuutaanni kina aningaasaliissuteqarsimanersoq taamaallaat allaqqanani, kisiannili aamma aningaasaliissutit qanoq annertutigineri aamma allaqqasalerluni. Aningaasaliissutigineqarsinnaasullu killissarititaa avaqqunneqarsinnaassanngilattaq inatsisitigut pisussaaitaasunit arlaliusunit avinneqarsimalluni.** (Inatsisartunut ilaasortaq Jens-Frederik Nielsen, Demokraatit)

#### **Tunngavilersuut**

2021 aallarnerfigalugu Inatsisartut nalunaarusiamik soqutiginarumik tigusaqarput<sup>2</sup>, nunatsinni peqquserluttarneq akiorneqarnissaata qanoq nukittorserneqarsinnaaneraniq tunngaveqartoq.

Nalunaarusiaq Inatsisartunut Naalakkersuisunullu arlaliusunik soqutiginaatilinnik innersuussuteqarpoq. Uanili siunnersuummi innersuussutigineqartuni ataaseq Inatsisartunut tunngassuteqartoq samminiaraq, taamaattumillu pissusissamisoortumik Naalakkersuisut isummerfiginissaanut tunuarsimaarutigisinnaasaannik.

Naalakkersuinikkut partiit naatsorsuutiniq tamanut saqqummiussisarnerisa Inatsisartut Inatsisaat sukaterneqarnissaannut innersuussuteqarnermut tunngavoq.

Inatsi qularnaarinnittuuvoq inuiaqatigiit nalussanngikkaat kikkut naalakkersuinikkut partiisut ingerlanneqarneranut aningaasaliissuteqartarnerisut ilisimassagaat. Partiimmi pisortat aningaasaliissutaat kisimi aallavigisariaqanngilaat. Suliffeqarfiit, soqutigisaqatigiiffiit aammalumi inuinnaat aningaasaliissuteqarnissaminnut aamma periarfissaqarput.

Tamanna pingaartitamikkut anguniagaqarnikkullumi peqquteqarlutik iliuuserisinnaavaat. Kisiannili aamma Naalakkersuinikkut partiinut aningaasaliissuteqarneq nammineq iluaqusersornissaq pillugu misiliutigineqarsinnaavoq. Tamanna pingitsoortissinnaanngilarput – kisiannili partiit aningaasalersorneqarnerisa suminggaanneeraneraniq ammasuunissaa qulakkeersinnaavarput. Taamaasilluta innuttaasut (minnerunngitsumik qinersisartut!) periarfississavagut nalilersuisinnaanngorlugit aningaasaliissuteqarsimasut soqutigisaat aallaavigalugit politikkerit politikikkullu inissittarnertik soqutigisaqartunut sammisunngorlugu inissittarnerisut.

<sup>1</sup> Inatsisartut inatsisaat nr. 15, 22. november 2011-meersoq

<sup>2</sup> Nalunaarusiaq ateqarpoq "Innarligassaanninneq pillugu misissuineq" Naalakkersuisullu nittartagaanni takuneqarsinnaalluni: <https://naalakkersuisut.gl/kl-GL/Naalakkersuisut/Naalakkersuisoqarfiit/Finans/Integritetsstudie>



Inatsi oqarpoq partiit ukiumut naatsorsuutaat tamanut saqqummiunneqartassasut, partiilu aningaasaliissutitigut arlaliusunilluunniit tamakkiisumik 10.000kr. annerusumik igusaqarsimasut naatsorsuutimini aningaasaliisup aqqa najugaqarfialu nalunaarsussallugit pisussaataitasut.

Tassanilu peqquserluttarnermut nalunaarusiap marluk ima sanngiippallaatut nalilerpai:

Sanngiiffik siulleq tassaavoq tapiissuigineqartoq annertussusaa partiip ukiumut naatsorsuutaanni allaqqasariaqanngimmat. Soorlu aatsitassarsiortup imaluunniit imaatigut angallassisartunit partii 18 mio. k.-nik tapiissuteqarsimappat partiip ukiumut naatsorsuutaanni eqqaaneqartup 10.000kr.-miit annertunerusumik tapiissuteqarsimanagera kisimi nalunaarsorneqassaaq.

Saanngiiffik aappaa tassaavoq inatsisitigut pisussaataitasunit arlalinnit tapiissutigineqartoq avinneqarsimalluni aningaasatigut killissarititaasoq avaqqunneqarsinnaammat. Raajanik aalisariutilik imaluunniit sanaartornermut tunngasunik sulialit partiimut 100.000kr.-nik tuniserusuttoq tamanit saqqummiuttusaaanngitsumik, taava pineqartoq suliffeqarfinnik quliusunik pilersitsisinnaavoq, tamarmillu 10.000kr.-nik partiimut tuniussaqaartillugit.

Inatsi atuuttoq 2011-minngaanneerpoq, danskillu partiit ukiumut naatsorsuusiortarnerisa maleruagassaat assigaluit, Kalaallit Nunaannulli tulluarsagaallutik. Qallunaat Nunaanni maleruagassat taakku sukaterneqarsimapput<sup>3</sup> tamanna Europami Isumalioqatigiissitamit innersuussutigineqarnerasigut<sup>4</sup> - Innersuussutigineqartut Peqquserluttarneq pillugu misissuisimanermi aamma innersuussutigineqartoq.

Isumaqarpunga aamma piffissanngortoq inatsinutartissallugu sanngiiffittut taakkartorneqartut iluarsiumallugit.

Inuunnaat tapiissuteqartartut partiip isertitarisartagaanni annertunngillat, politikikkikullu sunniteqarniarluni tapiissuteqarniarneq suli ilisimangilarput. Kisiannili piffissaq qanoq takutikkumaarpaa? Nunat avannarlermi aningaasatigut soqutigisat annertuut ukiuni makkunani ingerlaleruttorput, peqquserlunniarnernullu assingusunulluunniit akiuniarnissamut pisariaqartitsineq annikilliarunngilaq.

Aalajangiiffigisassatut siunnersuutigineqartumi aningaasatigut qummut killissaritinneqartumi avaqqussisarneq pillugu erseqqissaassutiginiarpara atuutilersitsiniarnermut peruserineqarsinnaasut arlaliummata. Periarfissaq eqqarsaatigineqarsinnaavoq partiit naatsorsuuserisarneranni piumasqaatinngortinnissaa tapiissuteqartut annertussusaalu tamatigut nalunaarsorneqarnissaa, inatsisitigut pisussaataitasunit soorlu suliffeqarfinnit aammalu soqutigisaqaqatigiiffinniit tapiissutigineqarsimappat. Imatut oqaatigalugu tapiissutigineqartoq kisimi 10.000kr.æ qaangersimangippagu.

Aalajangiiffigisassatut siunnersuut siammassissumik taparserneqarluarnissaa kissaatigaara, oqallinnermilu peqataanissara qilanaaragu.

---

<sup>3</sup> LOV nr. 712 af 08. juni 2017 om ændring af lov om private bidrag til politiske partier og offentliggørelse af politiske partiers regnskaber og lov om økonomisk støtte til politiske partier m.v.

<sup>4</sup> GRECO (Europarådets Gruppe af Stater mod Korruption)



**Pisortanut aningaasatigut allaffissornikkullu kingunissai**

Inatsimmi allannguissamut siunnersuutigineqartumi aningaasartuutissat, nutserinerit ilanngullugit, naatsorsuutigineqanngilaq atorfiliup suliarisartagaasa ukiup affaa ukiorlu tamaat sinnissagaa.

**Namminersorlutik inuussutissarsiteqartunut aningaasatigut allaffissornikkullu kingunissai**

Soqanngilaq

**Innuttaasunut aningaasatigut allaffissornikkullu kingunissai**

Soqanngilaq